

Gvangjsih Minzcuz Bau

Guenjbanh: Gvangsiah Bouxcuengh Swcigih Minzcuz Cunghgyau Swvu Veijyenzei

Okbanj: Gvangsiah Minzcuz Bause

Geizsoq: Gungh daih 3496 geiz

广西民族报

Aenhauh okbanj: CN45-0036

B.2021

Nd.10

Ng.27

Liggaeuq sincouj nienz ndwengouj ngeihngeih

Geiz neix 8 banj

Liuz Ningz Bae Baksak Haiguh Hagsib Gyauyuz Lizensij Dangj 刘宁到百色市开展党史学习教育

Ndwen 10 ngoenz 23, Swcigih Dangjveij suhgi Liuz Ningz cienmonz bae daengz Baksak Si haiguh hagsib gyauyuz lizensij dangj, siengniemh laegdaeuq gij goenglauz hungmbwk Dwng Siujbingz dungzci daengj gwzminggyah banlaux. De giengzdih aeu genhciz gij swhsiengj Siz Ginbingz sevei cujyi miz daegsaek Cungguk seizdaih moq guh dazyinx, genhgez gvancez doeksaed gij cingsaenz gangjavah youqgaenj, ciji youqgaenj baenzroix Siz Ginbingz cungsuhgi doiq hong Gvangsiah haenx, hauejlaeg hagsib roxyiuj gij cingsaenz gangjavah youqgaenj “4.27” mwh bineix cazyawj Gvangsiah haenx, geiqmaenh goeknduj

sawjmingh, swncienz meglwed saekhoengz, caenh itbouh gyagiengz saenqngiengx, saenqniemh, saenqsim, netsaed guh daengz hag lizensij dangj, rox swhsiengj, banh saedsaeh, hai gizmen moq, comz sim comz rengz cauhaeb aen Gvangsiah gyaundeisevei cujyi miz daegsaek Cungguk seizdaih moq.

Liuz Ningz gonqlaeng bae daengz dieggaeuq ginhbu Hungzcizginh, Guenj Geiqniemh Baksak Gijyi yawjngonz, nyinhcaen dingq gejnaeuz, seizseiz dingz din cimyawj, ciengzsaec cam mizgven cingzgvang. Liuz Ningz naeuz, gwzming vwnzvuz hamz miz gij lizensij ronghlwenq dangj caeuq bek-

singq haenqrengz buekguh, dwg gij caizfouq dijbauj dangj caeuq guekgya. Raeuz aeu swncienz caeuq fatyiengz gij cingsaenz buekguh gyoengq boux gwzming banlaux, bungz hojnanz caeuq fung'yiemp, gamj bae hoenx, hoenx ndaej hingz.

Liuz Ningz naeuz, doenggvaq ngoenzneix hagsib gyauyuz lizensij dangj, siengniemh gyoengq vunz vih gwzming buekguh vut mingh haenx, aeueiq danqhaenh gij goenglauz hungmbwk vuzcanj gaihgez gwzminggyah banlaux, mboujlwnh daengz seizlawz cungj aeu geiqmaenh cwngeuz saekhoengz daj gizlawz daeuj, mboujlwnh byaij gyaue geijlai cungj

mbouj ndaej lumz diuzroen mwh daeuj, itloh guh daengz mbouj lumz goeknduj, geiqmaenh sawjmingh. Daengx gih gwnz laj aeu hauejlaeg hagsib roxyiuj gij cingsaenz gangjavah youqgaenj “caet it” Siz Ginbingz cungsuhgi, cungfaen yungh ndei swhyenz vwnzva saekhoengz fungfouq Gvangsiah, doidoengh hagsib gyauyuz lizensij dangj caen hagsib caen guh, aeu gij cwnzgoj hag gyauyuz lizensij dangj cienjvaq baenz gij rengz hung'ak guh saeh cauhnib caeuq gij hengzdoengh caen ca caen guh, haenqrengz doidoengh daengx gih ginghci sevei hwnghat youh ndei youh vaiq.

(Cinz Yizcwz)

Sanhgyangh: Aen Ciengz Yindung Hung Hawj Hagseng Ndaej Ik

三江: 梦想运动场 助圆学子梦

Ndwen 10 ngoenz 22, Sanhgyangh Dungcuw Swciyen Yangzhih Yangh Yiminz Siujyoz banh aen hozdung goeng'ik nem aen yizsiz gyauciep aen ciengz yindung loqsiengj, hozdung miz aen yizsiz hawj baiz, gien doxgaiq, dangz dijjuz, veh fukveh raez daengj, laemxsim bang lwghag Mbanjmyauz saedyienh aen loqsiengj yindung. Ciuq cam rox, aen ciengz yindung loqsiengj Yiminz Siujyoz dwg Cunghvaz Sevei Giucu Gihginhvei lienzhab Keep Gunghsw h couz cienz 18 fanh maenz bang guh baenz.

(Gungh Bujganh ingi)



Dasinh: Yungh Cuengh Gun Song Vah Hag Lizensij Dangj Haenh Aen Dangj Coi Doxgiet

大新: 用壮汉双语学党史 颂党恩 促团结

“Bi 1949 ndwen 6 ngoenz 28, Denh Gvei Genz Benhgiuh Cungiuh Cojgyangh Cihdui Cenmingz Vujgunghdui dunghsinyenz Cau Dunghsanh, Hij Vwnzfu daiq vwnzgen youqgaenj, mwh diuh bae Cenmingz cujlizlenz byongh roen bungz daengz gyoengq bing lienzfuengz Gozminzdangj, ginggvaq haenq hoenx deng dai.” Mboengqneix, Dasinh Yen Cenmingz Cin Cunghsinh Siujyoz boux lauxsae Cau Siubingz yungh Cuengh Gun song vah gangj gij saeh maenh'ak gwzming lezsw dangdieg caeuq Gozminzdangj fanjdungbai doxdaeuq.

Cenmingz Cin Cunghsinh Siujyoz dwg aen siujyoz Cuengh Gun song vah dandog Dasinh

Yen. Daj haiguh hagsib gyauyuz lizensij dangj doxdaeuq, aen hagdangz neix giethab swncienz baujhoh vwnzva minzcuz, youq dieg minzcuz vunzniox fatyiengz gij yaem'wenq daeuz cukmaenh gij eiqsik caezcaemh Cunghvaz Minzcuz. Aen hagdangz neix lij laebbaenz aendoih yungh Vahcuengh bae gangj, bae dieg minzcuz vunzniox yungh Vahcuengh gangj lizensij dangj, haenh aen dangj. Bineix doxdaeuq, aendoih neix gungh guh hozdung 16 ciengzbaez, vunzlai ndaej son'gyauq 420 lai vunzbaez, hawj dangjyenz vunzlai dieg bien'gyaiq roxnyinh daengz Cunghvaz Minzcuz couh lumj ngveih sigloux nei ndaetndet doxgot caez youq.

(Cinz Civanj)

Cuengh Gun Song Vahsaw Hag Coenzgim

壮汉双语学金句

Bouxcoz Cungguk seizdaih moq aeu rapdawz mbaq rap vih saedyienh Cunghvaz Minzcuz fukhwng hungmbwk, gyagiengz gij ceiqheiq, goetheiq, daejheiq vunz Cungguk, mbouj vei seizdaih, mbouj vei seizcoz, mbouj vei dangj caeuq beksingq maqmuengh!

——Gij gangjavah Siz Ginbingz youq Aen Hoih Angqhoh Cungguk Gungcanjdangj Laebbaenz 100 Hopbi

新时代的中国青年要以实现中华民族伟大复兴为己任,增强做中国人的志气、骨气、底气,不负时代,不负韶华,不负党和人民的殷切期望!

——习近平 2021年7月1日在庆祝中国共产党成立100周年大会上的讲话